

## L'UMBRILLARU

( Scritta per il gruppo "Amastra a Mistretta nell'anno 1996)

- Cuncetta...Cuncetta..! E chi gghiè surda sta matina..? Cuncetta...."Campana ca nun senti a prima vuci vordiri ca u riscursu nun ci piaci...?
- " Caliti juncu ca passa a china"...Cummary a mia circati...?
- Pinzava ca tinn'avissivu fuiutu...!
- Comu viri sugnu ccà..! E mancu surda sugnu...!
- Chi ti truovi mparacqua ca mi servi..???
- Chi è ca vui...???
- Mparacqua ..di rissi..ca u miu u vientu u scuppulàu e u manicu si rumpìu..!
- E ora chi vuliti u manicu ri mia...??Nu pussieru ne manicu ne umbrella...!
- Speriamu ca u to paracqua nun si scuoppula mai....!!!  
( Si sente arrivare l'ombrellaro cantando: "va cunzativi l'umrella..cc'è l'ombrellaro"...!
- Aspittati ca va ppigghiu u paracqua i me maritu ca l'avi sfasciatu...!
- Si, signura u purtassi ccà, ca ci l'aggiustu...!

- Va cunzativi l'umbrella  
signurini ca carruzzella.  
Arrivau ccà l'umbrillaru  
cu li fierri inṭra m panaru.

CORO. C'e l'umbrillaru, c'è l'umbrillaru  
cu lu fullizzu nte spadḍi e m panaru.  
Javi u fierrufilatu e a coḍḍa  
chè na cosa chi mpiccica, moḍḍa.

- Purtati l'umbrella tutti nni mia  
prima ca l'acqua di supra stizzìa.  
- Prima ca chiovi, trona e lampìa,  
v'attuppa u purtusu ca sò maiṣṭrìa.

CORO. C'è l'ombellaru chi vinni a Miṣṭretta  
purtati l'umbrella ca iḍḍu v'aspetta.  
Si lu paracqua l'ai spurtusatu  
iḍḍu tu cusi nta fella assittatu.

- Iu v'aggiustu r'avanti e d'arrieri  
puru i paracqua ri carrittieri.  
- Iḍḍu vi conza rinṭra e ḍḍi fora  
r'avanti a tutti prima ri n'ura.

CORO. C'è l'umbrillaru c'aggiusta l'ombrelli  
puru ri maṭṭri ri figghi gemelli.  
Iḍḍu vi cusi prima ri n'ura  
senza lamienti e senza chi sura.

(Mentre va via grida.....)

VA CUNZATIVI L'UMBRELLA  
SIGNURINI CA CARRUZZELLA.  
ARRIVAU U PARACQUARU  
C'AGGIUSTA U MANICU RU MASSARU....

*Lucio Vranca*